

# INUIT ATAQATIGIIT INATSISARTUNI



23. april 2026

UPA2026/29

**Mimi Karlsen**

**Aningaasaatit pigisallu aningaasanik nalillit pillugit isumaqatigiissutit inuinaallu akornanni pisassaqaataalersunik neriorsoqatiginninnerit allat pillugit inatsisit allanngornerannut peqqussummut Kalaallit Nunaata peqataalernissaa**

(Inuussutissarsiornermut, Aatsitassanut, Nukissiutitut, Inatsisit Atuutsinneqarnerannut Naligiissitaanermullu Naalakkersuisoq)

Inuit Ataqatigiit pingaartutut isigaarput inatsisinik nutarteriuarlunilu ullutsinnut naleqqussaajuartarnissaq.

Naalakkersuisut siunnersuutaannut ima qulakkeerinninnissamik siunertalimmik: Kalaallit Nunaanni inatsisit atuuttut – Kalaallit Nunaannut naleqqussarneqarsimanissaat – aammalu Danmarkimi inatsisinut atuuttunut toqqaannaq naleqqussaanissamut akuersaarpugut. Paasivarpullu pingaarnertut siunertaasoq tassaasoq malittarisassat ullutsinnut naleqqussarneqarnissaasa qulakkeerneqarnissaat soorlugooq ukununga tunngasut: atuisunut isumaqatigiissutini isumaqatigiissusiornermi atugassarititaasut naapertuutinnigitsut, inuit namminersorsinnaajunnaarsimasut inatsisitigut inissisimaffii kiisalu inuussutissarsiutillit nakkutigineqarnissaannut malittarisassat iluarsineqarnissaat.

Inatsisissami nutartikkami isiginiarneqartut ilagaat nammineersinnaajunnaarsimasup sullinnerani toqqissinartumik illersuisumillu allannguisoqarniarnera.

Inatsisissap siunnersuutigineqarnera akueraarput ataatsimiitsitaliamullu susassaqtumut ingerlallugu.